

произведениеби. Илдала кумекличил дурх1ни тьянишбирар адамтала гьар-
урла ва ишх1елла г1ямруличил,бурсибирар г1ях1си г1ебисес. Нушала
г1ямруличи балх1ебикибсиличи, х1ярамсиличи, адамла х1ял-т1абиг1ятличи
лайикьсили ах1енсиличи дурх1назиб гьими алк1ахьу.Дурх1нас бяркь
бедлугнила ва багьуди кайсахънила мурадун пикрилизи касили, чедирти
классуназиб литература руркьни к1ел бут1аличи бут1ибси саби:

1. 5-7 классуни. Литература буч1ни. (Литературное чтение).

2. 8-9 классуни. Литературала историяла курс.

5-7 классуназир руркьути произведениеби чула мяг1на, тематика ва жураби
х1ясибли дек1ардарибти сари. Дусмала гьабг1ергьидешла (хронология)
кьядуртира х1исибдарибти сари. Бех1бихьудла классуназир касибти
багьудлумачи хьарихьули, ишди классуназир литератураличи диги
имц1адик1ахьу, дурх1ни кьалабали ва саркьахьили буч1нила устадеш
гьаладях1 арку,произведениела камси анализ бирахьес, илис лайикьси
кьимат бедлугахьес бурсибиру.

8-9 классуназир диалли произведениеби гьаладихьибти сари литературала
историяла т1алабуни хьулчили дуцили.

Ишар машгьурти писательтала имц1али мяг1ничертигьунти, халатигьунти
произведениеби дуч1ахьути сари. Илди классуназиб программали цаургабла
х1ясибли писательти ак1нила ва илдани произведениеби делк1нила гьаб-
г1ергьидеш х1ясибли произведениеби дуч1ахьес чебиахьули саби.

Чедирти классунала дурх1нас литературала дурсри кадирхънила мяг1ничерти
т1алабуназибад ца саби литературала произведениебас, чузиб ирзуси масъала
х1ясибли, заманаличи балбикахьили, лайикьси кьимат бедлуге, илдала тема
ва мяг1на белгидирес бални.

Программали чебаахъни х1ясибли, чедирти классуназиб руркьуси материал
удирти классуназиб белч1нсиличил уржили бархбасунси саби, амма ил
тикрарбик1уси ах1ен. Чумал класслизир цабех1 автортала произведениеби
руркьули дирар, амма илди дек1арти сари.

Халкьла мух1лила пагьмула произведениеби руркьнила кьяйда ишгьуна